

Altpfadfinderverband
Bischofstein
Marcel Zierath

B a s e l

Ylaadig zum APV-Unterwasserbummel vom 17. Septämber 88

S kah loosgoh, d Fläsche sin gfüllt (mit Luft und mit z'Dringge)

Ich möcht Euch härzligg ylaade zue däre Expedition in d Unterwasserwält
und erwart Euch am halber zwai bim Wasserturm.

mitnäh : wär will e Badkloid oder Badhose
bi schönem Wätter bestoht d Möglichkeit
für e Abkiehlig.

1 Paar Flosse pro Persoon,
zum däbbele nit zum Tauche!

Tenue : normal, mit Schueh für e Spaziergang

Koschte duets : 40.-- pro Persoon mit Nachtässe drogge

Zoobe spielt nach em Nachtässe für uns die beritteni Unterwassermuusig
zum Danz.

Wär will kah bequäm s ledschde Drämmli an ere Aendstation erreiche.

I wünsch allne e glatte APV-Bummel
mit fründligge Griess

Puma

Altpfadfinderverband
Bischofstein

B a s e l

Im Wasser, Aendi Juni

Liebi APV-ler
Liebi APV-Fraue und Fründinne,

Au das Jahr findet dr APV-Bummel am traditionelle Samschdig vor em
Bättddaag statt, nämlig am

17. Septämber

Will s ledschdjöhrig Motto "Wasser" eso wohlduehend erfrüschend gsi isch
hänn mr is entschlosse das Thema nonemol uffznäh, allerdings uff e ganz
e-n-anderi Art.

Mir göhn in d Unterwasserwält und dorum wär's vo Vortail, wenn Dir Euch
könttet bis zue däm Datum Schwimmhütt und Kieme waggse loh.
Zoobe wandle mr is denn wieder zue Lääbewäase wo könne schnuufe, aber au
do haisst denn s Motto "Heb sorg zum Wasser, dringg Wy" .

Und jetzt muesch nur no saage, do sin mr derby.

Di Pertemonnaie dien mr im glyche Mass haimsueche wie s ledschde Jahr.
E definitivi Ylaadig griegsch denn Aafangs Septämber.

Mir wünsche alle schööni Summerferie und die wo ans Wasser göhn solle
iebe, iebe und noonemol iebe.

Mit fründligge Griess



Aamäldig zum APV-Bummel 1988

I freu mi uff dä Bummel und mäld gsamthaft Persoon--e aa

I haiss :

und wohn an dr :

in :

Die Aamäldig sottschi bis am 31. Auguscht schigge an:
Marcel Zierath, Spiegelbergstrasse 37, 4059 Basel